

停止侯豐起解

一真定大名二府成化九年派買猪羊雞隻
價銀未解者盡行停免

一山東成化九年歲辦段疋皮張翎鏢悉皆

蠲免

一成化九年砍柴人夫山東并順天保定真定三府先已
通減三分其餘除起解到山東夏稅二季未起人夫悉
皆停免順天保真定三府二季內量減二分工部神木廠若
蓋木植人夫以十分為率存留四分看守其餘放免蘇民
困

一前項被災去處官吏軍民為事曾經法司問斷回原
籍官司追納入官錢糧贓物絲鈔米完者但免追徵
其解納錢糧馬草等項人戶有被攪頭坑陷或水火盜一

賊事有顯跡曾已告官又行家屬名下重徵陪納者

即與分豁

一前項被災地方逃軍逃民人等自詔書到日為始限
三箇月以裏守官免罪各還役寧家其有為事被提
逃叛山林者許於所在官司首告真犯死罪該管官
司查審明白奏請定奪其餘悉皆免

一累發京庫銀兩并各處倉糧賑濟缺食軍民巡撫官
務著落司府州縣分投驗實放散不許違誤凡一應在
官工役不急之務俱暫停止令民自在營生毋或勞擾
禁約公侯等官奏討及強占軍民地土例

成化二年四月丙子太子少保戶部尚書

等

題為官豪占討地土事雲南清吏司案呈照得本部掌

天下戶口田糧庶務浩繁所屬十三清吏司各領其事
依時徵科賦稅糧草等項以供軍國之需不為不重
近該順天河間真定保定等府及河南山東等布政司
所屬人民往往赴京奏告徵糧田土多被本處無籍之
徒懷挾私讐捏稱空閑拋荒水窪退灘地土多者二三
百頃少者五七百頃到京投獻官豪勢要之家輒便
信憑差委顯目家人帶領無籍之徒騎坐馬騾身
帶弓箭腰刀軍器等前件去報回處所插立封堆
占據為業朦朧回報家主不察是非可否徑具狀
本奏討及至行查回勘多係民田民受其害赴京
告訴目無虛日究其所以蓋官豪之人不思食天之
祿民惟知本却乃聽信家人跟隨之人攬置侵奪
民田撓擾官府特勢妄為陷不為怪查得景泰年間

有都督右僉侍勢欺權侵占民間田地事發該戶科都
給事中等官李侃等奏稱今後薰戚大臣不許私
占民間田地及朦朧奏討本部議擬具

奏通行禁約外今經年久前項官豪人等因無申明仍
前勢恃玩法奏討紛紜不已若不再行禁約深為
不便案呈到部令無通行五軍都督府轉行公侯
駙馬伯都督都指揮等官及勲戚大臣之家知
會各守名爵恪遵禮法永享祿位今後敢有仍
前將各處官民地土妄稱空閑朦朧奏討及令家人
伴當用強侵占者本部行移法司先將抱本狀
奏告之人拏問如律干碍主使教令人員徑自奏
請拏問仍行追究覈報投獻之人繩之以罪其各該司府州縣
官員若是不行執去阿附權勢容令占種不即具奏

者事發到官一體查究治罪如此庶使民田不到豪強吞併而奸頑知所警懼緣申明禁約事例未敢擅便次日奉

聖旨是欽此

投獻王府并勢要之家地土例

成化六年五月十二日都御史原題今後但有將民間地土捏作果園草場并護衛遺地事項名色誑騙財物投獻

王府并勢要官員之家事發不問軍人舍餘人等拏問明白俱發附近衛所充軍止終本身

王府官員人等亦不許串同受獻擅捏詞訟事發之日一體究治節該奉

英宗皇帝聖旨勅諭近聞皇親中間不遵禮法有令家人強占

軍民田地者事發重罪不宥投獻者悉發邊衛承

遠充軍欽此

禁革

皇親公侯文武大臣奏討田土例

成化十五年十月二十二日戶部左侍郎殷

等題為禦民災以靖地方事伏覲天順二年節該奉

英宗皇帝勅諭近文皇親公侯伯文武大臣中間多有不遵禮法有令家人於四外州縣強占軍民田地者有起蓋房屋者把持行市侵奪公私之利者或休訪得出必重罪不

宥其家人投托者悉發邊衛承遠充軍欽此成化四年為

禁革求討莊田事題稱北直隸京師附近軍民開墾成熟不許內外官豪勢要妄報求討及倚托投